

rothecæ, vel alia quæpiam res. Vide Menoch. l. 5. præf. 31. num. 13, p. 705. Videantur, quæ dicta sunt ad artie. 25. & quidem ad 3. indic. commune. 4. Si constet, inquisitum talem rem inventam paulò ante possedit. Hæc si concurrunt, indicium præbetur ad torturam. (2) Ratio est, quia ex inventione talium rerum oritur præsumtio, delictum commissum esse ab eo cuius res sunt. Zanger. c. 2. n. 34. de Tortur. p. 794.

II. Qvod Inquisitus contra tale indicium argumentis contrariis se excusare & suam innocentiam defendere queat, & si ad talem defensionem se offerat, tum causa defensionis prius excusienda est, quam ad torturam procedatur. v. gr. qvod gladius ipsi sit clām subtractus, vel ipse eum alteri commoda- verit, Menoch. l. 1. qv. 89. num. 136. p. 118. de Quæstim. donaverit, vendide- rit, permutaverit, vel eum abjecerit, aut eum amplius in numero rerum suarum habere noluerit. Vide & Zanger. c. 2. n. 155. & 156. de Tortur. 817. Vel illum, cuius de rebus aliquid repertum est, esse hominem bonæ frugi, famæ & existimationis; vel etiam tempore perpetrati delicti fuisse alibi. Zanger. d. cap. num. 39. p. 794. Dum autem causa defensionis tractatur, cessare debet tortura: nec oportet Judicem prius eam decerne- te, antequam diligenter examinaverit, & cognoverit an indicia contra in- quisitum extantia indicis validioribus elisa fuerint, nec ne? Indicium au- tem illud dicitur validius, qvod est magis speciale, & magis convenit veri- similitudini. Francisc. Brunus in Tractat. de Indic. part. 2. qv. ult. num. 2. Menoch. l. 2. cent. 5. casu 472, n. 14. 16. 22. 23. de A. I. Qv. fol. 839. 840. Et licet probationes istæ pro innocentia deductione sint fuitiles. non con- cludentes, & in meritis repetitionibus antedictorum occupatae; tamen audiendus est inquisitus, idque ob favorem defensionis, quippe qui tan- tus est, ut quandoque ob eum à regulis Juris stricti seu rigorosi quoad processum recedere liceat: & multa specialia circa probationem defen- sionis contra Jura communia recepta sint; Gail. l. 1. c. 16. n. 22. p. 67. de P. Publ. Rauchb. part. 2. qv. 3. n. 18. p. 32. 33. ita ut unus testis, testes inhabiles, testes de credulitate deponentes, modò causam credulitatis reddere sci- ant, admittantur. Vide Carpz. part. 1. qv. 33. p. 187. & part. 3. qv. 115. n. 74, 75. p. 141. Pract. Crimin.

ARTIC. XXX.

De semiplena probatione.

Von einer halben Beweisung.

Sine halbe Beweisung / als/ so einer in der Hauptsache die Mis-
that gründlich mit einem einzigen guten / tugentlichen Zeugen / als
hernach